

Isla chikito, STEM grandi:

Creando futuro sostenibel pa Aruba via ingenieria

ARUBA por ta chikito den geografia, pero su retonan—y oportunidadnan—ta inmenso. Manera hopi Estado Insular Chikito den Desaroyo (SIDS), Aruba ta enfrenta vulnerabilidadnan structural: dependencia riba energia y cuminda importa, ecosistemanan fragil, scarsedad di awa, y exposicion na cambio climatico. E retonan aki ta rekeri solucionnan sumamente localisa y interdisciplinario. Ta aki cu STEM—ciencia, tecnologia, ingenieria y matematica—ta bira mas cu un buskeda academico. E ta bira sobrevivencia.

Desalinisacion y innovacion den awa

Aruba ta depende grandemente riba desalinisacion pa suministra awa dushi. Aunke efectivo, e proceso ta intensivo den energia y ta produci desperdicio di salmoura (brine) cu salinidad halto. Educacion den STEM adapta na e contexto di Aruba ta ekipa studiantenan pa investiga tecnologia avansa di desalinisacion manera forward osmosis, low-pressure reverse osmosis, y concentracion di salmoura via evaporacion solar. Proyectonan piloto actual ta explora recuperacion di mineralnan valioso manera magnesio y litio for di salmoura—un enfoke di economia circular cu ta reduci desperdicio y ta crea balor economico. Studiantenan di ingenieria entrena localmente por yuda optimisa e sistemanan aki pa eficiencia y sostenibilidad.

Integracion di energia renobabel

Aruba a establece un meta ambicioso pa transiciona pa 100% energia renobabel. Pero integra fuientenan variabel manera energia solar y di biento den un red electrico di un isla chikito ta rekeri ingenieria di red sofisticada. Esaki ta nifica cu profesionalnan entrena den STEM mester domina tecnologia di microgrid, sistemanan avansa di almacenamiento (incluyendo baterianan di lithium-ion y esnan emergente di solid-state), y algoritmonan di demand-response. Por ehemplo, modelonan di machine learning por predecir fluctuacion den demanda y optimisa e penetracion di energia renobabel sin compromete e estabilidad di e red. Educacion enfoca riba ingenieria di energia renobabel ta permiti Aruba no solamente reduci importacion di combustibel, sino tambe bira pionero den innovacion di red electrico insular aplicabel na otro SIDS.

Diseño di infraestructura sostenibel

Como cu turismo ta keda e pilar economico di Aruba, infraestructura mester ta tanto resiliente como sostenibel. Programanan di ingenieria civil y ambiental impulsa pa STEM por duna prioridad na strategianan di proteccion di costa uzando solucionnan hibrido: restauracion di rif di



coral combina cu seawalls diseña pa ingenieria, pavimento permeabel pa manejo di awa di yobida, y materialnan di construccion modular cu emision abou di carbon, adecua pa clima tropical. Monitor di salud structural (structural health monitoring) uzando sensor y aparatonan di IoT por extende e bida di infraestructura, bahando gastonan y protegiendo contra eventonan di clima extremo.

Biodiversidad y conservacion marino

E ecosistemanan marino di Aruba ta bou di menasa di aumento di temperatura di lama, polucion, y desaroyo costal. Biologonan y cientificonan di data entrena localmente por desplega sistemanan di monitor guia pa Inteligencia Artificial (IA)—manera drones, ROVnan bou di awa, y imagennan satelital—pa sigui e salud di rif, poblacion di pisca, y calidad di awa den tempo real. Door di integra biologia cu ciencia di data, studiantenan por desaroya modelonan predictivo pa guia esfuersonan di conservacion y conseha diseñadornan di manejo riba intervencionnan cu ta balansa crecimiento economico cu manejo ecologico responsabel.

Construyendo un ecosistema di STEM

E programa SISSTEM di Universidad di Aruba ta demostra con enseñansa superior por ser adapta na realidad insular. Door di integra sostenibilidad, ingenieria di sistema, y investigacion aplica den su curriculum, Aruba ta creando un fluho continuo (pipeline) di cientifico y ingeniero cu por resolve problemanan specifico di Aruba en bes di importa solucionnan standard (off-the-shelf) diseña pa nacionnan mas grandi. Partnershipnan internacional—manera cu KU Leuven—ta sigui fortalece e base di investigacion mientras ta mantene talento localmente, evitando asina e brain drain.